

# 赤柱半島

三 虎



赤柱半島之範圍，北起赤柱村與赤柱海灘之地頸，即巴士總站所在。南止黃麻角海岸，全長約三千碼，地形北矮南高，中部有一山高一百七十七公尺，稍南一山亦高百六十公尺，與分處東南及西南高一百六十三公尺與一百一十八公尺之兩峯鼎足而立，三峯夾成一大谷地，斜入於海，自赤柱村至軍人墳場一段，除位處東南角之赤柱監獄外，全為洋房別墅，鄉村小屋，學校及大小運動場，似無遊覽價值。監獄以南即為高百七公尺之山峯，此山土名斜砲頂，為半島上之最高一山，登臨其上，可覽實半島之大部景色，然遊踪亦至此山而止，蓋山之南坡以外，全屬軍營地帶，等閒人不易進入，遊賞無論矣。

## 赤柱半島

香港島南岸有四大半島，自西而東，依次為南朗半島、春坎角半島、赤柱半島及鶴咀半島。各處之位置不同。大小亦異，然形勢險要則一，故昔時在各半島之南端曾有砲壘之設，並有駐軍，戰後除赤柱半島南段仍為軍事禁區外，南朗、春坎及鶴咀諸地之堡壘，均已棄置，惟鶴咀轉撥大東電報局，於鶴咀嶺及鶴咀岬上建有無線電通訊裝備，摒絕閒人，以故赤柱半島之黃麻角及鶴咀岬一帶，甚少遊踪，亦少見有該區之介紹文字。

現將年來搜集所得有關兩地之資料整理成篇，以供讀者參攷。

# 你聽過未？

## 見過未？



### 山中藏古村

聞此區在香港割讓之前，有一小村，位置在斜砲頂與南首三山之間，村民以農耕爲生，聚居谷地之上，此地雖無河流而水源不缺，因有地下水泉，涓涓不絕，可供食用灌溉，此區中央平坦而兩邊陟斜，海岸全爲岩石，尤以東坡爲甚，軍隊駐驛初期，仍未逼使村民遷出，惟戰馬放牧，頗擾農民，積怨漸深，每有人於夜間驅馬至東崖，驚之嚇之，使其自墜崖下，其後軍方將村民全部徙至今時之赤柱村，未嘗與此事無關，自此則大山之南，再無土著，而舊日之地底水泉，未知仍在與否。

據悉半島南段今時之情況，略如下述：

黃麻角道過聖士提反灣後傍斜砲頂之西坡而行，至西北角山咀後有一小閘，遊人仍可通行，未幾右方一路斜出，引至山坡之一列樓房，此住宅區爲近年新建，未知爲軍方物業抑或私人房舍。再行而至禁區起點，此處有一鐵閘橫跨半路，中開一門，只容一車進出，閘旁有荷鎗軍仕當值，檢查往來車輛之通行證，過哨站不遠，又有支路右下，路盡爲一軍眷住宅區，有大廈數座，偏南有一兩層高之洋房，爲軍營內之社區中心，循大路南行，間有支路引至一二獨立房屋，至西南峯前半路轉向東北，此處極多單層之石屋，有在路旁，有在山坡，有新建者，有以戰時堡壘軍營改裝者，又有診所及醫院，時見軍人荷鎗出入各處，稍前路分南